

印
卷一百一十九

序略

蒙旣采黃帝已來六秭益之以三統成七術以推演
春秋朔閏厯三閱月甫歲事慮其義例未明因序略
曰晉書律秭志謂漢末宋仲子集七秭以考春秋微
波榭所彙杜氏長秭謂漢末宋仲子集十秭以考春
秋宋氏之書久亡七與十未審孰是晉書律秭志有
黃帝顓頊夏殷周魯三統乾象泰始乾度十秭之目
朕自黃帝六秭下唯三統乾象爲漢術宋氏漢末人
得見固已若泰始乃晉武帝泰始元年因襲之景初

術改名乾度則又咸甯中善筭者李修卜顯依論體
爲術尤後于泰始宋氏安能豫用其術參以姜岌稱
今所傳七秭皆未必是時王之術誠以七家之秭考
古今交會信無其驗也是仲子所集者自非十秭愈
顯狀可見孔刻長秭作十秭蓋杜氏長秭說有云又
并考古今十秭以驗春秋與宋氏云云文意略同牽
連致誤有由來矣當從晉志爲是七秭不可詳以意
度之六秭而外三統先乾象百餘年似無舍三統而
取乾象之理長秭未闕于世釋例曰閏月無中而北

斗表指兩辰之間所以異于他月積此以相通四時
八節無違乃得成歲及校其所置閏則又不厭如文
元年閏在三月下文二年閏在二月下前後相隔猶
不及一稊僖十二年閏在二月下僖十七年閏在十
二月下前後相隔幾七十餘月近則頻年置閏旣失
之太過遠或距及四五年復失之不及尤可議者因
襄二十七年傳有辰在申之文二十八年經書春無
冰遂于二十七年十一月下頓置兩閏夫三歲一閏
五歲再閏聾瞶皆知當時史官縱失職恐未必荒繆

若是征南嘗謂自古以來諸論春秋者多違繆無異
度已之跡而削他人足若征南徒以遷就求合有乖
秣數是又無異度他人跡而削已之足也正義曲爲
之解不無阿私習聞吾鄉陳泗源先生曾譌春秋長
秣十卷爲補杜氏而作惜未得見錫山顧震滄先生
譌春秋大事表分朔閏爲四卷又長秣拾遺及增錄
一卷非不攷覈精密援引賅博特顧氏本不知秣唯
馮排數日月故于襄二十七年下一仍杜氏長秣疊
置兩閏近歸安姚文僖公窵雅堂學古錄有春秋朔

閏表二卷云夏正承顓頊後實爲秣法之宗殷周雖改正朔其大灋必不能變狀細按之姚所用者非顓頊術實殷術也且欲埒會漢太初元年爲丙子竝繆指魯隱公元年爲戊午開卷便錯他可知矣厯觀其表凡杜氏乖繆無不尤而效之且加甚焉試一舉之杜氏頻年有閏如文元年在三月下文二年在二月下姚則效之于僖三年四年俱在十二月下更甚者于僖二十二年二十三年二十四年俱置閏在十二月下杜氏一年兩閏如僖二十七年疊置在十一月

下姚則效之于文元年既置在三月下又復加置在十二月下更甚者于襄二十八年十二月下疊置三閏閏者所以歸束餘日也歲有餘日積久成月不閏則差積數月寒暑遞違故傳曰閏以正歲三閏是一時也抑知三閏以前不幾秋冬易時乎攷諸哀十二年冬十有二月螽傳季孫問諸仲尼仲尼曰火伏而後蟄今火猶西流司秣過也襄二十七年冬十有二月傳作十一月乙亥朔日有食之傳辰在申司秣過也再失閏矣使果秋冬易時左氏豈無一言是知其必不

狀矣蓋春秋魯史也雖經孔子筆削而舊有闕誤因
史成文斷不率爾更正闕文多在桓莊時以去聖人
之世太遠聞見所不逮故孔子曰吾猶及史之闕文
也又曰蓋有不知而作之者我無是也又曰多聞闕
疑又曰君子于其所不知蓋闕如也抑有說焉春秋
距今二千餘年書非金石幾經傳寫能無展轉失真
故正義曰或史文先闕而仲尼不改或仲尼備文而
後人脫誤茲但就昭昭在人耳目間者論之如桓十
四年夏五定元年春王又桓六年春正月實來莊二

十四年冬郭公其最箸者也嘗涉獵經傳竊疑宣十

七年經書蔡侯申卒哀四年經書盜殺蔡侯申

殺公穀作

弑

文侯乃昭侯高祖也桓二年夏四月傳臧哀伯諫

納郕大鼎下有周內史聞之曰臧孫達有後于魯之

文莊十一年秋宋大水傳公使弔臧文仲曰宋其興

乎下有臧孫達曰是宜爲君之文文仲乃哀伯孫也

兩蔡侯申兩臧孫達其間似有一誤或曰此人名之

譌無預于日名孰知日名之踳奪尤甚如宣三年冬

十月經于丙戌鄭伯蘭卒下接書葬鄭穆公卒葬同

日必無之事春秋避同日者如僖十六年經春王正月戊申朔隕石于宋五是月六鵠遯飛過宋都固自有例在再書者如桓十二年經冬十有一月丙戌公會鄭伯盟于武父丙戌衛侯晉卒是亦有例在此可知葬鄭穆公上必有落句也又如桓五年春正月甲戌己丑陳侯鮑卒一事兩日傳謂再赴公羊謂曷爲以二日卒之愆也甲戌之日亡己丑之日死而得君子疑焉故以二日卒之穀梁謂甲戌之日出己丑之日得不知死之日故舉二日以包之似俱未得其解

此尤一大疑獄也甲戌距己丑十五日疑己丑上甲戌下之間尙書他事不知何時逸去耳其同日異事如襄十四年經四月己未衛侯出犇齊傳四月己未子展奔齊傳于此下亦有公出犇齊之文同經昭元年經六月丁巳邾子華卒傳六月丁巳鄭伯及其大夫盟于公孫段氏姑勿深考或一事異月如莊八年經十有一月癸未齊無知弑其君諸兒傳冬十二月齊侯游于姑棼昭十三年經夏四月楚公子比自晉歸于楚弑其君虔于乾谿傳夏五月癸亥王縊于芊尹申亥氏二十二

年經冬十月王子猛卒傳十一月乙酉王子猛卒或
一事異月而同日如僖十五年經十有一月壬戌晉
侯及秦伯戰于韓獲晉侯傳九月晉侯逆秦師使韓
簡視師壬戌戰于韓原十七年經冬十有二月乙亥
齊侯小白卒傳冬十月乙亥齊桓公卒傳有十二月
乙亥赴辛巳
夜殯成十年經五月丙午晉侯獯卒傳六月丙午晉
侯欲麥將食張如廁陷而卒襄二年經六月庚辰鄭
伯踰卒傳秋七月庚辰鄭伯踰卒九年經十有二月
己亥同盟于戲傳十一月己亥同盟于戲二十五年

經秋八月己巳諸侯同盟于重邱傳秋七月己巳同盟于重邱齊成故也二十七年經冬十有二月乙亥朔日有食之傳十一月乙亥朔日有食之昭八年經冬十月壬午楚師滅陳傳冬十一月壬午滅陳或一事同月而異日如僖二十八年經五月癸丑公會晉侯齊侯宋公蔡侯鄭伯衛子莒子盟于踐土傳五月癸亥王子虎盟諸侯于王庭昭八年經夏四月辛丑陳侯溺卒傳夏四月辛亥哀公緡或一事月日竝異如文二年經三月乙巳及晉處父盟傳夏四月己巳

晉人使陽處父盟公以恥之襄十九年經秋七月辛

卯齊侯環卒傳夏五月壬辰晦齊靈公卒二十八年

經十有二月甲寅天王崩傳十一月癸巳天王崩

有傳

王人來告喪問崩日以甲寅告之文或一事異年如經僖八年冬十有

二月丁未天王崩傳僖七年冬閏月惠王崩甚或一

事兩見于傳而年月日不同如昭三十二年冬十一

月晉魏舒韓不信如京師合諸侯之大夫于狄泉尋

盟且令城成周己丑士彌牟營成周定元年春王正

月辛巳晉魏舒合諸侯之大夫于狄泉將以城成周

經昭三十二年冬仲孫何忌會晉韓不信齊高張宋仲幾衛世叔申鄭國參曹人莒人郕人杞人小邾人

城成

更有或同月或相連二三月及數月前後日名

不相協如僖九年經九月戊辰諸侯盟于葵邱甲子
晉侯僖諸卒甲子在戊辰前四日月有戊辰在前不
得又有甲子在後襄二十八年經十有二月甲寅天
王崩乙未楚子昭卒乙未在甲寅前十九日月有甲
寅在前不得又有乙未_{傳稱十一月}在後昭十三年
傳夏五月癸亥王縊于芊尹申亥氏乙卯夜棄疾使
周走而呼曰王至矣國人大驚丙辰棄疾卽位名曰

熊居乙卯次日卽丙辰丙辰在癸亥前七日有癸

亥在前不得又有乙卯丙辰在後

經傳四月弑其君虔于乾谿而無日

且一爲縊于芊尹申亥氏一爲弑于乾谿亦復互異

此就同月言也如襄二十

八年傳十一月乙亥嘗于大公之廟癸巳天王崩十

二月乙亥朔齊人遷莊公殯于大寢癸巳在乙亥後

十八日十一月有乙亥癸巳十二月不應乙亥朔

經稱

十二月甲寅天王崩

昭元年傳十一月己酉公子圍至入問王

疾十二月甲辰朔烝于溫己酉在甲辰前五十五日

十一月有己酉十二月不應甲辰朔定十五年經八